



Festival di lesamento na Biblioteca Nacional



ORANJESTAD (AAN):--- Riba dianan 12 y 13 di juni Biblioteca Nacional a tene un Festival di Lesamento pa grandi y chikito. Esaki a wordo teni tanto na Oranjestad como na San Nicolas. Nan tabata dos festival pa hende nan cu ta gusta scucha storia y lesa. E stagiare di Hulanda, Roxan Hymans a splica e meta di e festival di lesamento ta pa inspira tanto mucha como adultonan pa lesa. Roxan a relata cu lesamento ta hopi importante pa e desaroyo di e ser humano debi e ta haci mas sabi. E merdia a cuminsa for di 3'or te cu 6'or y e mercado di buki tabata for di 4'or p.m. pa 8'or p.m. E parti aki tabata diferente pasobra diferente hende ta lesa un

fragmento for di nan buki favorito. Cada participante ta lesa un fragmento for di nan buki favorito y ta haya e oportunidad pa comparti un parti di un storia cu e ta gusta na e publico presente, inspirando asina un y tur pa lesa e buki tambe. For 7'or pa 9'or di anochi tabatin participacion di e muchanan kende nan a participa nan Voz-i-Landia Songfestival. Roxan a splica cu e ta sintie hopi orguyoso di e resultado y ta spera cu esaki por bira un exito pa asina otro aña e bolbe wordo organiza. Roxan a splica tambe cu e idea a origina pa Gina Jie-Sam-Foek, kende ta su stage-begeleider. Eta un biblioteca y e tabata kier a agrega algo na e metanan di un biblioteca.